

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 448703 24 St
Tuzla, 14.04.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „LEGNAMI“ d.o.o. za drvoprerađu Doboj Istok, Klokotnica, nakon provedenog stečajnog postupka, donio je dana 14.04.2025. godine sljedeće:

RJEŠENJE

OTVARA SE stečajni postupak nad imovinom dužnika „LEGNAMI“ d.o.o. za drvoprerađu Doboj Istok, Klokotnica, matični broj subjekta; 1-12151, račun broj; 1610250006810029 otvoren kod Raiffeisen banke d.d. Sarajevo.

Za stečajnog upravnika imenuje se Emir Mehurić iz Gračanice.

ZAKLJUČUJE SE stečajni postupak nad imovinom dužnika „LEGNAMI“ d.o.o. za drvoprerađu Doboj Istok, Klokotnica, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 448703 24 St od 08.08.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva „LEGNAMI“ d.o.o. za drvoprerađu Doboj Istok, Klokotnica, a za privremenog stečajnog upravnika imenovana je Emir Mehurić iz Gračanice, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 29.10.2024. godine. Iz izvještaja privremenog stečajnog upravnika i navoda datih na ročištu proizilazi da društvo ne posluje od 2002. godine, da ima obaveza na ime doprinosa za PIO MIO, zdravstveno osiguranje i osiguranje od nezaposlenosti, s tim da tačan iznos obaveza nije moguće utvrditi jer društvo od 2001. godine nije podnosilo odgovarajuće obrasce odnosno, obračunavalo i uplaćivalo poreze i doprinose na plate za radnike koji nisu objavljeni. Društvo nema bankovnih računa, nema nekretnina što je utvrđeno na osnovu provjera kod Općinskog suda u Gračanici i Općine Doboj Istok, nisu evidentirana u knjigovodstvu potraživanja od trećih lica, tako da društvo nema bilo kakve imovine iz koje bi se mogla namiriti potraživanja i troškovi postupka.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 03.07.2023. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 29.11.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.000,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 98/24 dana 11.12.2024. godine, oglasnoj tabli suda dana 02.12.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.